

Zeitschrift: Nebelspalter : das Humor- und Satire-Magazin
Band: 88 (1962)
Heft: 21

Artikel: Undrem wysse Goafförmantel
Autor: [s.n.]
DOI: <https://doi.org/10.5169/seals-501440>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation


L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 31.01.2026

ETH-Bibliothek Zürich, E-Periodica, <https://www.e-periodica.ch>



Undrem wyße Goafförmantel

Es heißt doch neume, im Nachhemmi sigen alli glych, dr Heer und sy Diener. Und ich möcht bhaupete, bym Goafför sigen alli glych. Alli hei ne wyße Mantel über sich; de kenntisch se högg schtens am Hoorwuchs – die einte hei Borschte wie Schwarzdörn, die andre hei dr Chopf voll Scheitli (vor lutter Scheitli gseesch ke Hoor mehr!). Und doch müen alli glych vill zahle – die einte Finderlohn, die andre für dAbnützig vom Goafför sym Wärchzüüg.

E Müschterli wett ech jetz verzelle und denn gsehn dr, as me nie weiß, wär undrem wyße Mantel isch. Bym Rasierer-Karli sy zwee undrem Mässer gsi. Dr eint isch e Fremde gsi; söttige halte jo öbben emol mit em Auti voruß, wenn dr Karli dr möschig Plumper usgehänggt het. Und dr ander isch e Dörfler gsi, dr Albärt us dr hindere Gaß, e Gottebäsi (wie me so seit), dDorfzyttig, wo alles weiß und sy rote Zinggen in alles yne steeggt.

Item, chuum isch dä Albärt in sy wyße Mantel ygmummlet gsi, het er syni Neugkeiten afo usspaggen und het shalb Dorf dureghächlet. Und schließlig isch er bym neue Pfarrer glandet, wo die Tagen in dr Gmein sött yzieh. Dr Bricht vom Bärti het nit guet gluttet. Das sig e ganz e Brave, dä neu Pfarrer,

und e Tämperänzler sig er au. Und mit de Junge well er au öbbis underneh, as sie nach dr Kumfermazion amme no im Pfarrhuus zämme cheeme. Und eso hets wytters tönt. Hüehner well er au no ha im Pfarrgarte, isch im Albärt no in Sinn cho. Aber alli die Sache het er nit so schön gseit, wies do gschrybe stöht ...

Syder isch dä Fremd näbezue fertig worde. Wo im Rasierer-Karli sy Gsell däm Ma dr Mantel abnimmt, gseht men, as dä sufer schwarz Plunder treit und e Stehchrage drzue. Und zmol isch im Bärti sy Mühli wie abgestellt gsi – es het em d Sprooch verschlage. Won er de stattlig Ma im Spiegel in syner ganze Grössi gseht, goht em e Leicht uf: «Dasch dr neu Pfarrer!» Jo mysecht, eso het er usgeseh, won er sy Probipredig gha het.

Aber dä Ma in de schwarze Chleider het nummen uf de Stoggzehn glache, won er zahlt het; druf het er fründlig adie gseit.

Und syder sin guet zwanzig Jöhrli ummegange. Und me darf's sägen, as sällmol e guete Pfarrer undrem wyße Goafförmantel vüro cho isch.

KL

WARUM Unsere Seufzerrubrik

gibt es ausgerechnet Tomatenspaghetti, wenn ich mein bestes Kleid angezogen habe? Thildy

An einen Herrn Redaktor

Glauben Sie uns mit der Liz Taylor und ihrer Menagerie müßiger Langweiler und schiefer Gestalten zu unterhalten? Ehrlich und offen: Zu wissen, mit wem die Fisher sich heimlich getroffen: Macht das uns frischer? Bewegt uns ein Stumpfsinn, weil in lieblichem Rumpf drin?

Ach so, wir vergessen, daß Sie den Verstand der Leser ausmessen. Nichts schreibt Ihre Hand, worum nicht Haufen Verbraucher sich räufen. So sind Sie ein Lamm: Hochschulerzogen handeln Sie stramm mit Blödsinn per Bogen. Doch dürfen wir fragen: Platzt Ihnen denn niemals der Kragen? Robert Du Port

Sprüche am Jaßtisch

Wenn einer waghalsig spielt:
»Balangsiersch uf em hochspannte Silbertröht.«

Wenn einer beim Bieter nicht kom men kann:
«Ich bleibe zu Hause und ernähre mich redlich.»

Zu einem beim Ausspielen Zögern den:
«Sack auf!»

Beim Zusammenzählen der ungra den Punkte rechts auf der Tafel:
«Mer mönd wider emol s Trottoar uufrume.»



Aether-Blüten

Aus dem musikalischen Reise führer für Automobilisten «Die grüne Welle» (Studio Zürich) gerupft: «Wänn mer alli die müested erwähne, wo vo linggs ietrucked, müested mer stunde lang Nämle abläse ...» Ohohr